

DISPUTATIO INAUGURALIS  
MEDICA  
DE

# DIABETE:

QUAM

DIVINO FAVENTE NUMINE,

AUTHORITATE ET CONSENSU

NOBILISSIMI, AMPLISSIMI ATQUE

EXCELLENTISSIMI CELEBERRIMÆ

ARGENTORATENSIS UNIVERSITATIS

MEDICORVM COLLEGII,

PRO

SUMMIS IN ARTE MEDICA

HONORIBVS ET PRIVILEGIIS DOCTORA.

LIBVS ACQVIRENDIS

Publico & Solenni Examini submittit.

DAVID ECKROZ/

LINDAVIENSIS.

*Ad Diem 14 Mens. Martij.*



ARGENTORATI

Typis EBERHARDI WELPERI.

---

ANNO M. DC. LXIII.

# VIRIS

*Magnificis, Nobilissimis, Amplissimis,  
Prudentissimis*

**LIBERÆ ET INCLUTÆ**

**SACR. ROMAN. IMPERII REIPUBLICAE  
LINDAVIENSIS**

**DNN. CONSULIBUS ET CONSILII  
SECRETIORIS ASSESSORIBUS,**

**PATRIÆ PATRIBUS,**

**Dnn. Patronis, Promotoribus, Fautoribus  
humilimè colendis,**

**UT ET**

**VIRIS**

*Nobilissimis, Consultissimis, Excellentissimis,  
Spectatissimo.*

**DN. DAVIDI THOMANNO, U. J. D. Reipubl. Au-  
gustanæ Advocato Magnifico.**

**DN. AMADEO Eckolt / U. J. D. & in Academia Lipsi-  
ensi Professori Celeberrimo.**

**DN. JOACHIMO Eckolt / Civi Lipsiensi Primario.**

*Dnn. Cognatis, Fautoribusque  
honoratissimis*

**Disputationem hanc Inauguralem**

**D. D. C.**

**David Eckolt / Lindaviensis.**



## I. N. D. N. J.

## PRÆLOQUIUM.

**Q**Uot, quibusq; Homo, quem Mundi  
 hujus Epitomen, naturaq; delicias Plinius: Θαύμα  
 Θαυμάτων, Miraculum Miraculorum Plato: Ari-  
 stoteles, animal Politicum ad societatem natum: Omnes  
 verò unanimi consensu μικρόκοσμον parvum appellare con-  
 sueverunt Mundum; & quibus alijs præclaris, ne dicam, di-  
 vinis Encomijs donatus est, infestetur Affectibus atq; Morbis,  
 satis superque ni totus fallor, docet optima fidissimaq; rerum  
 omnium Magistra, Experientia. Supervacaneum igitur, in-  
 utileque planè esse existimo, omnium qui accidere solent Af-  
 fectuum hîc aliquam facere mentionem. Quos Cerebrum,  
 divinissimum à Platone appellatum membrum, ubi & sa-  
 cram Palladis Arcem Poëta esse dicunt, patiatur Affectus, &  
 quam gravibus subditum sit symptomatibus, clariùs ipsa me-  
 ridianâ luce esse arbitror. Thorax itidem partium vita-  
 lium nostrarum sedes atque domicilium, quibus corripitur  
 malis, narrationem, si enumerare constituerem, longam sa-  
 nè requireret. Neque levioribus aut contemnendis Infi-  
 mum Medicis dictum vexari Ventrem, testatur Experien-  
 tia. Probant etenim Ventriculi, Intestinorum, Hepatis, Lie-  
 nis, Renum, aliarumq; interiorum partium Affectus, & in-  
 ter alios Diabetes non infimum obtinens locum. Qui, etsi  
 A 2 rarif-

*rarissimus sit, & à Galeno, ipsomet testante, lib. 6. loc. aff. c. 3. & lib. de diff. sympt. c. 12. bis sibi tantum visus; si quoque Joh. Baptist. Theodos. Epist. 48. se in toto vita sua tempore veram Diabeticam affectionem vidisse tantum in duabus mulieribus, affirmet; placuit tamen de illa, quantum ingenij tenuitas permittit, impresentiarum breviter agere, eamque loco disputationis Inauguralis non prolixis Thesis delineare.*

Deum Ter Optimum Maximum suppliciter venerans atque obtestans, ut gratia Spiritus sui Sancti adesse velit, telamque, quam pro modulo ingenij texere conor, fortanare clementissimè dignetur.

## T H E S I S I.

**P**Riusquam propositi nostri Affectus quem breviter tractare animo constituimus, Definitionem & quid sit, quas Causas agnoscat, & quæ ejus Signa sint tam Diagnostica, quàm Prognostica, quâ etiam ratione Curatio tandem sit instituenda, aggrediamur exponere, ὅμωνυμιαν Vocabuli τῆ διαβήτης, cum non unam, sed diversas significationes ejus passim occurrant explicaturi sumus.

## II.

*Primò enim, uti Aristophanes interpretatur, Circinum, instrumentum scilicet figuram Lambdæ habens, quò aliquid circinatur, seu ad circinum, orbemque fabricatur, aut rotundatur, significare videmus.*

*Secundò, Perpendiculum seu libellam fabrilem denotat; uti videre est apud Plutarchum in Precept. Politic.*

*Tertiò, sumitur pro Siphone, Canali, Tubo sive fistula in fontibus, quâ aqua vel alius aliquis liquor emittitur,*



tur, quemadmodum testatum faciunt *Columella l. 3. c. 10. Gal. de loc. aff. lib. 6. & Paulus Aegineta lib. 3. c. 45.*

*Quartò*, accipitur idem vocabulum Diabetes, pro omni copiosæ urinæ profluvio, à quâcunque etiam re suam traxerit originem.

*Quintò & ultimo loco*, pro Renum affectione, maximam sitim inducente, celerique eorum quæ bibimus transitu; seu, pro urinæ in tanta copia excretionem, quæ rei humidæ assumptæ & mutatione sui planè carentis, quantitatem longè superat: uti testantur *Gal. 6. de loc. aff. c. 3. & de Crisib. c. 12. Alex. Trall. l. 9. c. 8. Aëtius tetrabibl. 3. serm. 3. c. 2. Amatus Lusitanus Centur. 2. curat. 94. Trincavellius l. 10. cap. II. de rat. cur. part. hum. corpor. aff. Quamquam Dodon. Observat. c. 42. in Schol. inquit; Potus qui assumitur non omninò talis redditur, qualis fuit assumptus hoc videtur negare; & contra mutationem nonnullam in hepate accipere, affirmare conatur. Idem quoq; Ioh. Baptist. Sylvaticus Controv. 29. In Diabete potum non semper statim crudum, sæpè etiam mutatum, perpetuò tamen auctum, & in maiore quantitate, reddi docet; scribitque; interdum potus quantitatem esse uncias 25, Urinam autem emitti ad unicas centum.*

### III.

Sepositis prioribus omnibus significationibus, ultimam hîc usitatissimamque Medicis τῆ διαβήτης significationem retinebimus; & nunc, quibus alijs passim ab Authoribus insigniatur nominibus, breviter indicabimus.

### IV.

*Quidam* hunc Affectum ὕδρωρ εἰς ἀμύδα hydropem ad matulam, propterea, quod statim à potu sumpto uri-

nam aquosam & tenuem ægri profundant, vocari volunt. *Gal. lib. 6, de loc. mal. affect. c. 3. & lib. de diff. sympt.*

V.

*Multis*, ob magnam Urinæ copiam διαρροίαν εἰς ἔρα urinæ profluvium, eò quod potus celeriter perfluat, nominare placuit. *Gal. 1. περὶ κρίσεως cap. 12.*

VI.

Nominare *ali* hanc Affectionem Diabeticam non erubere διψακὸν, ἀπὸ τῆς δίψης, à siti inexplebili, quâ laborantes valdè vehementerque torquentur.

VII.

*Aretæus lib. 2. cap. 2. de sig. & caus. diut. morb. σαρκῶν καὶ μελέων εἰς ἔρον σύντηξιν* carniū & membrorum in urinam colliquationem, appellandam esse arbitratuſ est: ob quam & summa totius corporis macies hominem invadit, & copiosior multò urina redditur quā potus est, qui sumitur. Cujus rei notabilem historiam *Marcus Gattinaria in 9. Rhas. c. de Cura involuntary exitus Urinæ; & Cardanus l. 8. c. 44. de rerum varietat.* de quadam puella 18. annorum referunt, quæ passa est superfluum urinæ profluvium, adeò, ut singulis diebus urinæ libras circiter 36. emingeret, cum ex potu & cibo non plus septem libris assumeret. Cum hoc 60. diebus perseveraret, emisit ultra cibi & potus quantitatem libras 1740. quod pondus longè excedebat pondus puellæ.

IIX.

*Alij* & Diarrhœam nephriticam appellare amant. *Latinis* Proprium & peculiare nomen non tam attribuere quàm Græcum retinere placuit. *Germani,*



Das groß vnd schnelle durchlauffende Harnen/ appella-  
re consueverunt,

## IX,

Nos cum plerisque & probatoribus Medicis  
commune retinebimus nomen τὸ διαβήτης Diabetis,  
quod à verbo διαβάω trajicio, pertranseo & traduco,  
originem trahit; eò quod urina crebrò & abundanter  
per vasa ductusque urinarios, ureteres dictos, transit,  
ut aqua per siphonem,

## X,

Non immeritò (ut, antequam ad rei Definitio-  
nem accedamus, aliquo modo similitudinibus declare-  
mus) *Galenus lib. 6. loc. affect. cap. 3.* Lienteriæ Diabeten  
similem esse judicavit. Nam, quemadmodum teste. *Gal.*  
*Comment. 6. aphor. 1.* Lienteria velox est exitus eorum,  
quæ comeduntur ac bibuntur, ita ut talia, qualia assum-  
pta fuerunt, seorsim aut cæteris permista excrementis  
exeant; vel, ut aliàs describitur: Privatio coctionis, cum  
esculentorum nulla facta est mutatio in colore, odore,  
consistentia, aut qualitate alia: sic in Diabete immodi-  
cum urinæ profluvium est, quò ob sitim inexplebilem  
supra modum bibitur, omnisque potus nihil planè mu-  
tatus, mox iterum effluit,

## XI.

Similis quoque est, & proportionem quadam re-  
spondet cupiditati caninæ; κυνώδης ὁρεξις dictæ. Utenim  
in appetentia canina insatiabilis & immoderata co-  
medendi cupiditas sese offert, plurimùmque manduca-  
tur, per vomitum verò atq; alvum rejicitur; ita in Dia-  
bete potum avidè magnòque cum desiderio, Renes, an-  
tequam etiam in Ventriculo concoquatur, attrahunt,  
ob im-

ob imbecillitatem autem eum non retinent, sed talem iterum effundunt, qualis fuerat assumptus,

XII.

Hisce omnibus præmissis, expositaque nominis notione, jam ad propositi nostri Affectus Definitionem recto progrediemur tramite, & quid sit, & quomodo ab alijs Authoribus definiatur, paucis ostendemus,

XIII.

*Alexander Trallianus lib. 8. cap. 8.* hunc in modum definit: ὁ διαβήτης καλεσµένος ἐστίν, ὅταν ἀµετρότερον ἐκκρίνεται τὸ ὄρον, πολλάκις ἀµαλῶ πίνειν: Diabetes is appellatur, quando urina immoderatus excernitur, frequenter simul atque potus assumitur.

XIV.

*Paulus Aegineta libr. 3. cap. 45.* ὁ διαβήτης τὰ χεῖρα τῶν πινοµένων ἐς διέξοδον ἐροµένων τοιούτων οἷα περ ἐπόθη: Diabetes est eorum quæ bibuntur velox transitus, quum talis redditur urina, qualis fuit potio.

XV.

*Oribasij verba libr. 9. synopsis. cap. 35.* de Diabete ex Gal, hæc sunt: Qui hoc morbo tenentur, siti enecantur, & idcirco largè bibunt, idque quod biberunt, tale reddunt, quale fuit ab illis potum.

XVI.

Elegantissimus *Fernelius lib. 6. παλ. cap. 13.* per immoderatum urinæ profluvium quo assumpta potio nihil mutata profunditur, definit,

XVII.



## XVII.

Nos, Diabetem propriè dictum, dicimus cum *Nobilissimo Experientiss. Venerandoque sene Dn. D. Melchiore Sebizio, Patrono ac Præceptore nostro aternùm observando, ex Manuali seu spec. pract. part. IV. s. IV. cap. IX. pag. 1353.* immodicum esse urinæ profluvium, quò ob sitim inexpletam supra modum bibitur, omnisque potus nihil ferè mutatus mox effluit, accedente tandem colliquatione corporis, viriumque debilitate. *Vel;* Diabetes est imensa crudioris urinæ perfusio, ex renum, per calidam & siccam eorum intemperiem, biliososque & salsos substantiæ eorundem impactos humores, intensâ facultate oriunda, cum siti valida & inextinguibili, cumque Retentricis facultatis, copiâ seri gravatæ, debilitate, nec non frustratione Alteratricis, & totius corporis subitâ colliquatione.

## XIIII.

Positâ hâc *Definitione*, breviter etiam quænam pars præcipuè sit affecta; & ad quod Morbi genus referendus hic sit affectus, sumus indicaturi.

## XIX.

De *parte Affecta* varij iterum sese inter Authores præbent dissensus. *Quidam* pro vesica; *quidam* pro meatibus urinariis pugnare videntur; *quidam* alias hîc affectas esse partes agnoscunt.

## XX.

*Renes* hic primariò affectos esse *quidam* pro certo habent, quibus & nos cum *Galeno* assentimur, qui *l. 6. de loc. aff. c. 3.* asserit, quamvis copiosum lotium possit conspici non modò in Diabete, sed etiam aliis in affectibus; in Diabete tamen necessariò vitium esse secun-

dùm Renes. Quanquam neq; hoc in totum negare constituimus, quod non etiam aliæ aliquæ partes, præsertim supra nominatæ, ureteres scil. ductus urinarij & vesica, aliæq;, coafficiantur.

## XXI.

Cognitâ *parte Affectâ*, non immeritò de hoc, ad quodnam scil. morbi genus Diabetes referri queat, solliciti erimus.

## XXII.

Cùmque tria sint præcipuè Morborum genera, quorum unumquodque corpus nostrum afficere, idcòque affectus præter naturam dici potest, certa propriaque nota, quâ hic à reliquis dignoscatur Affectibus, nobis est inquirenda. Statuimus itaq; hanc veram propriamquè notam, Excretionem præternaturalem, mictionem plurimam scil. potus non mutati. Symptoma igitur tertij generis esse constanter affirmare conamur.

## XXIII.

Verùm, quam modò posuimus mictionem plurimam, nequaquam intelligi volumus de ea, quæ & senibus & pueris ut plurimum evenire solet; his propter nervos laxiores & molliores; illis verò sicciore; utrisq; propter infirmitatē musculi vesicam claudentis, sphincteris scil. unde stragulas sæpius permingere solent, urinasque diu retinere nequeunt. Neque de ea, quæ ab alimento & potu copiosiore aut colliquatione renum aut dissolutione totius corporis fit; *His enim*, inquit, *Fernel. l. 6. capit. c. 13. quibus venter aut corporis habitus aquosi humoris copia tumet, interdum magno impetu urina, quàm potus, longè copiosior, emanat. Quod & exemplo illustrat, inquiens; Quomodo obesum quendam & tumidulum vidi, ex*  
*multa*



*multa mictione diebus circiter octo, mirum in modum extenuari & concidere.* Tali quoque modo largior vini tenuis potus, aliaque diuretica, multas efficere urinas, idem *Fernelius* probat loco citato. *Qui enim largissimè bibunt, inquit; copiosam quoque profundunt urinam, ut is, quem novimus, quotidie hora spatii tepentis aquæ medicatæ libras sexdecim exsorbere, etenim qualem sumpserat, talem protinus emejebat.* Conf. *Ioh. Schenck. Observ. Medic. l. 3 de Diabetè.* De neutra inquam, istarum mictionum intelligi volumus, sed de ea, quæ ex vitiosis humoribus substantiæ renum imbibitis, aliâve causa, tam internâ, quàm externâ, nascitur.

## XXIV.

Quæ porrò rarissimi, gravissimi, lethalis, incurabilisque ferè nostri *Affectus* sit causa, iterum discrepantes *Authorum* sunt sententiæ; quæ rem simul non parum intricatam & difficilem faciunt: ut verissimum sit, quod *Clariss. Dn. D. Sennertus* scripsit; causam, inquit, *Diabetæ* reddere omninò difficile est, ob *Affectus* raritatem & *Medicorum* de ejus causa dissensum, *lib. III. part. VII. §. 2. c. II. quæst. 2. sue Praxeos*: cum paulo ante significantius etiam scripsisset; causam hujus affectionis reddere, difficillimum, & pauci *Authores* inveniuntur, qui in eâ reddenda inter se conveniunt.

## XXV.

Doctissimus namque *Hieronym. Capivacc. lib. 3. prax. cap. 27.* Causam Efficientem *Diabeticæ Affectionis* Facultatem Retentricem læsam esse judicat. Cui quoque *Clariss. Dn. D. Sennert. loco supra citato*, suffragari videtur. *Alij* præter renum calidiorem intemperiem, *Jecoris* caliditatem atque ventriculi retentionem læsam;

*Ioh. Baptist. Sylvatic. controvers.* 31. *Alj* aliam. Elegantissimus autem *Fernelius lib. 6. pal. c. 13.* Causam esse dicit, calorem renum ingentem, qui vim tractricem seri vehementer impellat, quod tamen præ retinendi imbecillitate continuò in vesicam prolabatur. Triplicem igitur statuere causam, ex hisce apparet verbis allegatis. *Primò* nimirum, renum intemperiem intensam, aut ejus loco humorem ardentissimum renibus impactum; *Secundò*, robur Attractricis renum facultatis; *Tertiò*, imbecillitatem Retentricis virtutis, quæ copiam istius seri attracti retinere nequit.

XXVI.

Si ordine progrediamur, *Causas* hujus Affectus in duas dividere possumus classes; in Internas scil. & Externas: Illas rursus in mediatas sive remotas, & proximas sive immediatas; has in necessariò & non-necessariò nos alterantes.

XXVII.

*Causam Internam, proximam & immediatam* calidam renum intemperiem esse volumus, cujus operâ illi serum à venis copiosissimè trahunt, sed tantam ejus copiam retinere nequeunt, ad vesicam statim transmittunt; venæ verò exhaustæ ab hepate eandē trahunt materiam; hepar ab intestinis & ventriculo; unde fitis continua exoritur, potusque ingens appetitus, qui simul atque assumptus est, à venis, jecore & renibus denuò abripitur, & copia sua expultricem irritans, ac retentricem gravans denuò ad vesicam deturbatur.

XXIIX.

*Remotam* verò esse dicimus humores renibus impactos, falsos, acres & biliosos, qui renes ad attractionem affluē



assiduè provocant, & ob acrimoniam orificia vasorum  
abradere & recludere possunt.

XXIX.

Sub *externis causis necessario nos alterantibus* comprehenduntur *res non-naturales* dictæ, quæ Diabeticam affectionem generare possunt; ut sunt: Aër calidus, putridæ & deleteriæ constitutionis particeps; cibi falsi & aromatizati; vina itidem aromatibus vim aperiendi, detergendique facultate præditis condita, meraca & generosa, equitationes & uestiones, vigiliæ enormes, somnus in calidiori strato diuturnior, partium lumbarium vehemens agitatio, nimius veneris usus, vacuationum statarum intermissiones, iracundia, moeror, luctus, aliaque animi pathemata.

XXX.

Placet hîc exempla duo in medium proferre: *Vnum*, ut, quid equitationes & uestiones nocere possint, pateat; *alterum*, ut, quos effectus perturbationes animi habeant, eò melius elucescat.

XXXI.

*Iohann. Schenck. lib. 3. Observat. Medicinal. de Diabete pag. 502. Edit. in fol. ita scribit; Mediolani vidi undecim Medicos perpetuo cursu urina morbo, vitam finisse, quidam ardore, quidam fluxu, quidam retentione, quidam lapillo renum, inde coorto urina profluvio, interierunt: nam assidua equitatio per civitatem inaequalem, frequentesque ascensus & descensus hujus morbi causa erant.*

XXXII.

*Idem Schenck. libr. cit. p. 500. inquit: Fuit Nobilis & Abbatissa cujusdam Monasterij Muriani, quæ ex vehementibus animi perturbationibus afflictæ, ob ingentes persecutio-*

nes, quas passa erat, incidit in hunc morbum: affligebatur autem siti inextinguibili, neque etiam per potum levabatur: linguam enim statim etiam à potu aridissimam habebat; æstum ingentem in visceribus percipiebat, continenter febre detinebatur, inquieta plurimum erat, & tandem, cum jam, antequam Medico curandam se traderet, morbus plurimum invaluisse, & ipsa admodum esset emaciata, ex eo obiit.

### XXXIII.

*Externa causa non-necessario nos alterantes* possunt esse omnia Medicamenta calida, aliorumque diureticorum, lithontripticorumq; frequentior usus. Venenum quod à Dipsade funditur *Aretæus lib. 2. cap. 2. de sig. & caus. morb. diut.* Balneum aquæ dulcis; vehementia corporis exercitia; aliaq; quæ hic recensere instituti nostri non est,

### XXXIV.

Pergendum ad *Signa*, quæ vel *Diagnostica* sunt vel *Prognostica*.

### XXXV.

*Diagnostica* veri & proprii Diabetis ex iis, quæ dicta sunt, satis elucescunt: quando sc. immodicum adest urinæ profluvium, sitis inextinguibilis, adeoq; pertinax, ut nulla satietas ex cujuscunq; liquoris exhibitione contingat, potus plurimus, urina tenuis, aquosa & cruda, ὑποτάσεως expers, viscerum interiorum ardor, (eò quod aquosa sanguinis humiditas, à quâ temperari debebat, à renibus attrahatur.) corporis contabescencia (dum ob ὄχημα τῆς τροφῆς subductum alimenti distributio cessat, unde necessario universalis corporis tabes.) lumborum, coxarum, testiumque intumescencia cum gravitate conjuncta, oris quoque siccitas,



*Prognosis* quod attinet, malum hoc plerumque incurabile & lethale est, imprimis, si non mox in principio cognoscatur, eique idoneis occurratur remediis: Hominem enim ad tabem celerrimè perducit, quia renes non solum humores venarum, sed etiam totius corporis ad se, ob immodicam eorum caliditatem trahunt: uti testantur historiæ, quas omnes addere locus non permittit.

XXXVII.

Duas tantum modò recensebimus. *Iohan. Schenck, Observ. Medic. l. 3. p. 500.* ex *Vido Vidio* refert: Quod *Octavianus Catastinus*, cum à febre pestilenti fuisset liberatus, & ob recuperandas vires adhuc se domi contineret; in Diabetem inciderit violentissimum, qui ipsum quatuordecim dierum spatio penitus tabefecerit atque obripuerit. Idem eodem loco alteram Historiam narrat ex *Dodoneo c. 32. Observ. Medic.* his verbis: *Honestus* quidam civis urinæ detinebatur profluvio; subinde uno die amplius quam urinam 40. librarum reddebat. Bibebat non minus: ut qui propter assiduam urinæ profusionem, assidua quoque siti premeretur. Cum autem huic nulla prodesse remedia, & vix ulla sibi adhiberi pateretur, paucis diebus deficiens, è vita commigravit.

XXXIIX.

Incurabilem esse ferè affectum Diabetem *Thesi XXXVI.* pronuntiavimus. In juvenibus tamen admittere aliquam curationem probat *Cardanus l. 8. de Varietat. c. 44.* ex *Historiâ Thesi VII.* de puellâ Diabetica affectione laborante, in medium prolatâ. In senibus planè nullam omnes statuere videntur authores. Magnum *Graciæ Oraculum Hippocratem Aphoris. 39. sect. 2.* hoc quoque pro-

probat; magnam, inquit, partem senes juvenibus minus ægrotant; quicunque verò morbi ijs accidunt diuturni, plerunque commoriuntur. Idem *Aphorism. 6. sect. 6.* Renum & vesicæ vitia in senibus difficulter curantur. *Et lib. 6. Epid.* affirmat; se non vidisse vitia renum fuisse percurata, post quinquagesimum annum.

### XXXIX.

Supereſt adhuc *Curatio*, ubi, ut in cauſis explicandis magna occurrit apud Authores diſſenſio, ita ſimiliter non exigua ſententiarum varietas atque difficultas ſeſe manifeſtat. Diverſimodè enim à diverſis Authoribus inſtituitur, quoniam in cauſa mali non omnes conſentire videntur.

### XL.

Breviter *noſtram* hîc quoque, miſſis alijs, inſtituturi ſumus *Curationem*; eamque ex tribus hiſ Fontibus, Diætetico. Pharmaceutico & Chirurgico commode inſtitui poſſe arbitramur.

### XLI.

Eligatur itaque ex fonte *Diætetico* I. *Ær* ad frigidum & humidum declinans, quòd ſi talis haberi non poſſit, arte paretur. II. *Viſtus* ratio conſtet ex alimentis boni ſucci, & facilis digeſtionis, propter virium jaſturam atque corporis tabem; mordacitate careant; aut qui mordacitatem & acrimoniam obtundere valent, ad frigidum tamen, ſecundum *Aëtium*, non nihil declinent: ut ſunt ova ſorbilia, oryza, poma, pyra; neque incommode exhibetur caſeus recens compactus, ſalis expers, caſtanæ item teſte *Alexandro Trall.* Carnes porcinæ macræ, plurimum coctæ, pedes & capita vervecum, hœdorum & vitulorum caro aceto aut ſucco  
mali



mali punici aut arantii aspersa, Pisces saxatiles, intubus, lactuca, portulaca, symphytum, quamplurima alia. *Potus* in quantitate paucus, ne multiplicetur aquositas: vinum eligatur adstringens, meracius, rufum, crassum, aquâ amplius dilutum, ad falsuginosorum humorum, qui sitim inferunt, proluvionem; aut loco ejus bibatur aqua hordei, chalybeata cum syrupo acido aut adstringenti, sc. granator. ribium, berber. permixta. decoctum cornu cervi, &c. *III. Exercitium* & immodicus motus inhibeatur; quies contrâ usurpetur. *IV. Somno* plus ultra consuetudinem indulgeatur. *V. Alvi excrementa* naturæ aut artis beneficio expellantur. Immoderati denique & immodici *Animi affectus* evitentur.

## XLII.

Ex fonte *Chirurgico* maximè commendatur Venæsectio, si in principio mali, viribus adhuc validis existentibus, statim & quidem parva quantitate & partitis vicibus instituatur. Virium enim non solum præsentium, sed etiam futurarum habenda est ratio. In malo vero inveterato, cum vires jam dejectæ fuerint, non erit locus huic remedio.

## XLIII.

Quantum ad *Pharmaciam*, sententiæ *Excellentissimi Experientissimique Dn. D. Melch. Sebizij, Patroni & Præceptoris nostri semper horandi*, subscribere non veriti sumus; Pharmaca vacuantia parum prodesse hâc in Affectione, quoniam ægri satis per se evacuentur, atque admodum debilitentur: satiùs ergo esse illa missa facere, & Indicationibus morem gerere.

## XLIV.

Adhiberi ergo commodè posse judicamus *Refrigerantia*, quatenus viscerum calor urget; *Constringentia*, cum fluxus serosus per vasa urinaria permeat atque urget; quatenus viscera debilitata, *Roborantia*; quatenus urina acris & mordax, *Mitigantia* & *Contemperantia*.

## XLV.

Sint igitur *Aqua* Plantag. Rosar. rubr. Centinod. Bur-  
sapaſtor. Hippurid. fol. Quercus, Tormentill. bistortæ,  
portul.

*Syrup.* Rosar. siccar. rubrarum, Plantag. Myrthin.,  
myrthillor. Cydonior. portulac. Corallinus, Granato-  
rum acidor. Ribium, Berb. de agresta, de Rubo idæo. &c.  
ex quibus *Tulepi* parari possunt.

*Conserve* Rosarum rubrar. Acetosæ, acetosell. ace-  
tositat. citri, symphyti.

*Condita*: Berberes condit. Ribesia, mespila, Corna,  
Cynosbata, Cydonia, Cerasia condita.

*Species*: Diacorallij, diatrion santalor, diarrhod. Ab-  
bat.

*Trochisci* de spodio, cum feminib. acetos. de terra  
figillat. de bolo armen. de corallijs, de carobe.

*Tabula* ex succo Ribium, ex succo Berber. ex succo  
Citri.

*Pulveres* Corallor. rubror. santalor. rubror. succini  
præparati, boli Armen. lapid. hæmatit. præparati.

*Decocta & Infusiones* Radic. Tormentill. Bistort. Ro-  
sar. rubr. balauſtior. Baccar. Myrthi, Nuc. Cupressi, se-  
min. Sumach. sem. Acetos. semin. plantag. Arill. Granat.  
Myrobalanorum.



*Olea*: Oleum Rosar. incomplet, myrthinum, cydoniorum, Plantag. Mastichin.

*Unguentum* Cydoniatum, Rosar. ungu. refrigerans Gal.

*Ceratum* santalinum emollitum cum aceto rosar. vel oleo rosar. omphacin. &c.

Singularia videantur apud Authores. Sufficiant nobis hæc, desumpta ex Manuali sive speculo Medicinal. Practico Dn. D. Melchioris Sebizi, Præceptoris & Patroni nostri æternum Venerandi.

XLVI.

Atque hæc sunt, quæ de hoc Affectu in medium proferre voluimus. Plura qui desiderant, Practicorum scripta evolvant. Deum T. O. M. devoto pectore precamur, ut tam huic, quam aliis nostris laboribus impofterum clementer annuere velit, quo omnia vergant ad sui divini nominis gloriam atque proximi salutem! Cui sit Laus, Honor & Gloria in sempiterna secula.



## COROLLARIA.

I.

Debeatne Medicus uno eodemque tempore & venam secare & cacochymiam expurgare? Neg.

II.

Sitne à venesectione, an à purgatione initium faciendum, si affectus utrumque remedium postulet? Prius placet.

III.

Utrum gravidis Mulieribus venam secare liceat? Aff.

An Prægnantes purgare liceat? Dist.

An serum sit nutrimentum Renum? Neg.

Utrum ex solius urinæ inspectione certò dignosci possit imprægnatio? Neg.

An sanguis Menstruus sit malignus & venenatus? Neg.

Sitne Menstruus sanguis foetus in utero alimentum? Aff.

An immedicabiles morbi à Medico suscipiendi? Disting.

An perpetuò tutum sit curare jucundè? Neg.

Possitne semper Medicus curare tutò? Neg.

Num à Medico necessariò requiratur, ut curret citò? Neg.